

Broj: 01-05-3-601-1/14.  
Sarajevo, 21.05.2014. godine

**VLADA FEDERACIJE  
BOSNE I HERCEGOVINE  
S a r a j e v o**

Generalni sekretarijat  
G-đa Edita Kalajdžić, sekretar

**PREDMET:** Informacija o poduzetim aktivnostima vezano za realizaciju Zaključaka  
Vlade Federacije Bosne i Hercegovine

Poštovana,

U skladu sa tačkom 3. Zaključka Vlade Federacije Bosne i Hercegovine V. broj: 1246/2013 od 31.10.2013. godine, informiram Vas da je Federalni zavod za agropedologiju (u daljem tekstu Zavod), postupio po:

1. Zaključku Vlade Federacije Bosne i Hercegovine V. broj: 639/2014 od 09.04.2014. godine, poduzeo aktivnosti na uspostavljanju trogodišnjeg monitoringa stanja zagađenosti tla i biljnog materijala teškim metalima i organskim polutantima na području donjeg toka rijeke Spreče nizvodno od Lukavca do ušća u rijeku Bosnu i realizovao slijedeće:

- kontaktirane općinske službe CZ u općinama Lukavac i Gračanica i dogovoren termin obilaska terena za 13.05.2014. godine;
- izvršen obilazak terena 13.05.2014. godine, sa predstavnicima CZ i uzeti uzorci tla sa 12 lokacija, a koje su definisane kao nulte tačke praćenja i uzorak biljnog materijala sa 1 lokacije;
- laboratorijske analize uzoraka tla i biljnog materijala su u toku i predstavljat će početno stanje trogodišnjih istraživanja.

Napominjemo da će se istraživanja nastaviti i nakon ovih poplava čim se voda povuče sa istraživanih područja. U kontaktu smo sa službama CZ u općinama Lukavac, Gračanica i Doboj Istok.



2. Zaključku Vlade Federacije Bosne i Hercegovine V. broj: 746/2014 od 24.04.2014. godine, u kojem je usvojen Izvještaj Zavoda o monitoringu zemljišta na području općine Zenica za 2013. godinu, čime su se stekli uslovi da se općini Zenica dostavi kopija Zaključka, dva primjerka elaborata u printanoj formi i na CD-u u elektronskoj formi, na usvajanje od strane Općinskog Vijeća općine Zenica.

U prilogu ovog akta dostavljamo kopiju dopisa upućenog općini Zenica.

3. Zaključku Vlade Federacije Bosne i Hercegovine V. broj: 868/2014. godine od 15.05.2014. godine (u daljem tekstu: Zaključak) poduzeo slijedeće:

- izradio Program hitnih mjera sanacije poplavljenog poljoprivrednog zemljišta u Federaciji Bosne i Hercegovine (u daljem tekstu: Program);
- dostavio Program Federalnom štabu civilne zaštite i Federalnoj upravi civilne zaštite;
- obavijestio sve općine u poplavljenim područjima o poduzimanju hitnih mjera sanacije poplavljenog poljoprivrednog zemljišta sa preporukama poljoprivrednim proizvođačima;
- uputio ekipe na teren u pravcu Tuzle, Zenice-Doboja, Travnika-Jajca, Unsko-sanskog kantona i Kantona Sarajevo, gdje će se provesti preliminarna istraživanja zagađenosti tla poplavljenih poljoprivrednih zemljišta i utvrditi stepen zagađenosti organskim polutantima i neorganskim elementima, kako bi se predložile adekvatne mjere zaštite i sanacije zemljišta.

U prilogu ovog akta dostavljamo Program.

S poštovanjem,

**D i r e k t o r**

**mr. sc. Esad Bukalo**

Prilog:kao u tekstu